



বাংলাদেশ সিকিউরিটিজ অ্যান্ড এক্সচেঞ্জ কমিশন

সিকিউরিটিজ কমিশন ভবন, ই-৬/সি আগারগাঁও, শের-ই-বাংলা নগর প্রশাসনিক এলাকা, ঢাকা-১২০৭, বাংলাদেশ।

সূত্র নং- বিএসইসি/মুখপত্র (৩য় খন্ড)/২০১১/৫৫

তারিখঃ ১৩ অগ্রহায়ণ ১৪২৫ বঙ্গাব্দ
২৭ নভেম্বর ২০১৮ খ্রিষ্টাব্দ

প্রেস বিজ্ঞপ্তি

৬৬৭তম কমিশন সভা অদ্য ২৭/১১/২০১৮ তারিখে কমিশনের সভা কক্ষে কমিশনের চেয়ারম্যান ড. এম. খায়রুল হোসেন এর সভাপতিত্বে অনুষ্ঠিত হয়। সভায় অন্যান্যের মধ্যে নিম্নবর্ণিত সিদ্ধান্তসমূহ গৃহীত হয়েছে :

১. নিউ লাইন ক্রোথিংস লিঃ এর প্রতিটি ১০ টাকা ইস্যু মূল্যের ৩ কোটি সাধারণ শেয়ার প্রাথমিক গণ প্রস্তাব (IPO) এর মাধ্যমে ইস্যু করার প্রস্তাবে কমিশন অনুমোদন দিয়েছে। এই IPO এর মাধ্যমে কোম্পানীটি ৩০.০০ (ত্রিশ) কোটি টাকা পুঁজি উত্তোলন করে যন্ত্রপাতি ও কলকজা ক্রয়; কারখানা ভবন সম্প্রসারণ, মেয়াদী ঋণ পরিশোধ এবং প্রাথমিক গণ প্রস্তাবের খরচ খাতে ব্যয় করবে। কোম্পানীটির ৩০ জুন ২০১৭ তারিখে সমাপ্ত বৎসরের নিরীক্ষিত আর্থিক বিবরণী অনুযায়ী শেয়ার প্রতি আয় (Basic EPS) ১.৮৫ টাকা এবং পুনঃমূল্যায়নসহ নীট সম্পদ মূল্য (NAV with revaluation) ৩১.৬৩ টাকা এবং পুনঃমূল্যায়ন ছাড়া নীট সম্পদ মূল্য (NAV without revaluation) ২০.৫২ টাকা। উল্লেখ্য, নিউ লাইন ক্রোথিংস লিঃ এর ইস্যু ব্যবস্থাপনার দায়িত্বে নিয়োজিত রয়েছে বানকো ফাইন্যান্স অ্যান্ড ইনভেস্টমেন্ট লিঃ, সন্ধানী লাইফ ফাইন্যান্স লিঃ এবং সাউথইস্ট ব্যাংক ক্যাপিটাল সার্ভিসেস লিঃ।
২. CCP Formation Committee কর্তৃক দাখিলকৃত রিপোর্টের ভিত্তিতে Central Counterparty Bangladesh Limited (CCBL) এর খসড়া Memorandum of Association (MoA) ও Article of Association (AoA) এর উপর কমিশন অনাপত্তি জ্ঞাপন করা করেছে।
৩. খুলনা পাওয়ার কোম্পানি লিমিটেড (কেপিসিএল) এবং বাংলাদেশ বিদ্যুৎ উন্নয়ন বোর্ড (বিপিডিবি) এর মধ্যে সম্পাদিত “IPP Contract of KPCL 110MW Barge Mounted Power Plant” শীর্ষক চুক্তির মেয়াদ বিগত ১১/১০/২০১৮ ইং তারিখে উত্তীর্ণ হয় এবং বাংলাদেশ বিদ্যুৎ উন্নয়ন বোর্ড (বিপিডিবি) তাদের পত্র নং ২৭.১১.০০০০.৬০৩.০৭.০০১.১৮-১১২, তারিখ ১১/১০/২০১৮ এর মাধ্যমে উক্ত পাওয়ার প্ল্যান্টটি বন্ধ রাখার অনুরোধ জানায়। বিষয়টি মূল্য সংবেদনশীল তথ্য হওয়া সত্ত্বেও খুলনা পাওয়ার কোম্পানী লিমিটেড (কেপিসিএল) তা বিধি মোতাবেক প্রকাশ করেনি। উক্ত তথ্য গোপন করে কোম্পানির উদ্যোক্তা ও পরিচালকগণ শেয়ার বিক্রয়ের ঘোষণা প্রদানের মাধ্যমে শেয়ার বিক্রয় কার্যক্রম চলমান রাখে। এমতাবস্থায়, খুলনা পাওয়ার কোম্পানী লিমিটেড (কেপিসিএল) এর সকল উদ্যোক্তা, পরিচালক ও উল্লেখযোগ্য সংখ্যক (১০% বা তদূর্ধ্ব) শেয়ার হোল্ডারগণের ধারনকৃত শেয়ারের সকল প্রকার বিক্রয় বা হস্তান্তর বা স্থানান্তর বা প্লেজ (pledge) পরবর্তী নির্দেশ না দেয়া পর্যন্ত বন্ধ রাখার সিদ্ধান্ত গৃহীত হয়। এ সংক্রান্ত একটি নির্দেশনা অবিলম্বে জারী করা হবে। এছাড়াও, বিষয়টি তদন্ত পূর্বক এ সংক্রান্ত একটি প্রতিবেদন কমিশনে দাখিল করার জন্য কমিশনের কর্মকর্তাগণের সমন্বয়ে একটি তদন্ত কমিটি গঠন করা হয়।
৪. সেন্ট্রাল ফার্মাসিউটিক্যালস লিঃ (ইস্যুয়ার) -এর জুন ৩০, ২০১৭ সমাপ্ত আর্থিক বৎসরের নিরীক্ষিত আর্থিক হিসাব বিবরণীতে বিধিবদ্ধ নিরীক্ষক যোহা জামান কবীর রশীদ এন্ড কোম্পানী, চার্টার্ড একাউন্টেন্ট, কোয়ালিফাইড ওপিনিয়ন প্রদান করেন। কিন্তু কোম্পানী তাদের বার্ষিক প্রতিবেদনে আনকোয়ালিফাইড অডিট ওপিনিয়ন সংযুক্ত করে বার্ষিক প্রতিবেদন কমিশন, স্টক এক্সচেঞ্জ ও বিনিয়োগকারীদেরকে প্রদান করে। নিরীক্ষকের কোয়ালিফাইড ওপিনিয়নে ছিল স্বল্প মেয়াদী ঋণের সুদ ও কুঋণের জন্য সঞ্চিতির (প্রভিশন) ব্যবস্থা না করা, দীর্ঘ মেয়াদী ঋণের চলতি অংশ ও দীর্ঘ মেয়াদী অংশ আলাদা না করা, অগ্রিম কর ও কর দায় সমন্বয় না করা এবং কোম্পানীর খরচসমূহ ব্যাংক হিসাবের মাধ্যমে নির্বাহ না করে নগদে নির্বাহ করা। ডিএসই উক্ত হিসাব বিবরণী পরীক্ষাপূর্বক কোম্পানীর বর্ণিত কার্যাবলীর জন্য Securities and Exchange Rules, 1987 এর Section 12 (2), BAS-1 এর অনুচ্ছেদ 40A, 40B, 60 ও 64, BAS-21 এর অনুচ্ছেদ 28 এবং Securities and Exchange Ordinance, 1969 এর Section 18 আইনসমূহ ভঙ্গ হয়েছে মর্মে উল্লেখ করে।



বাংলাদেশ সিকিউরিটিজ অ্যান্ড এক্সচেঞ্জ কমিশন

সিকিউরিটিজ কমিশন ভবন, ই-৬/সি আগারগাঁও, শের-ই-বাংলা নগর প্রশাসনিক এলাকা, ঢাকা-১২০৭, বাংলাদেশ।


উক্ত আইনসমূহ লংঘনের জন্য কমিশন অদ্যকার সভায় সেন্ট্রাল ফার্মাসিউটিক্যালস লিঃ (ইস্যুয়ার) এর ব্যবস্থাপনা পরিচালকসহ প্রত্যেক পরিচালককে (স্বতন্ত্র ও মনোনীত পরিচালক ব্যতীত) ০৪ (চার) লক্ষ টাকা করে জরিমানা ধার্য করার সিদ্ধান্ত গ্রহণ করেছে। এছাড়াও উপরোক্ত লংঘনসমূহ সংশোধন না করা পর্যন্ত কোম্পানীর শেয়ারহোল্ডার পরিচালকগণ কোম্পানী হতে কোন প্রকার লভ্যাংশ, পারিতোষিক এবং অন্যান্য সুবিধাদি গ্রহণ করতে পারবেন না মর্মেও সিদ্ধান্ত গৃহীত হয়েছে।

৫. ইন্ডিকেট সিকিউরিটিজ অ্যান্ড কনসালটেন্ট লিঃ (ডিএসই ট্রেক নং- ১৫৪) তাদের জুন ৩০, ২০১৭ তারিখে সমাপ্ত আর্থিক বৎসরের নিরীক্ষিত আর্থিক হিসাব বিবরণী কমিশনে দাখিল করতে ব্যর্থ হয়। সার্বিক পরিস্থিতি বিবেচনায় কমিশন, ইন্ডিকেট সিকিউরিটিজ অ্যান্ড কনসালটেন্ট লিঃ নিম্নবর্ণিত কার্যাবলী থেকে বিরত থাকবে মর্মে সিদ্ধান্ত গ্রহণ করেছেঃ

- ক) ইন্ডিকেট সিকিউরিটিজ অ্যান্ড কনসালটেন্ট লিঃ -এর পরিচালকদের কোন পারিতোষিক প্রদান;
- খ) ইন্ডিকেট সিকিউরিটিজ অ্যান্ড কনসালটেন্ট লিঃ -এর পরিচালকদেরকে কোন প্রকার লভ্যাংশ প্রদান;
- গ) পরিচালকদের ঋণ বা অগ্রিম প্রদান;
- ঘ) প্রশাসনিক ব্যয় এবং দৈনন্দিন কার্যনির্বাহ ব্যতিত কোম্পানীর রিটেইন্ড আনিংস ও রিজার্ভ ফান্ড থেকে অর্থ প্রদান ও উত্তোলন;
- ঙ) ইন্ডিকেট সিকিউরিটিজ অ্যান্ড কনসালটেন্ট লিঃ -এর পরিচালক এবং তাদের আত্মীয়-স্বজনকে মার্জিন ঋণ প্রদান; এবং
- চ) উপরোল্লিখিত নিষেধাজ্ঞা ব্যতিত অন্যান্য সকল লেনদেন কোম্পানীর আর্টিকেলস অব এ্যাসোসিয়েশন এর আর্টিকেল অনুযায়ী সম্পাদন।

এছাড়াও ঢাকা স্টক এক্সচেঞ্জ লিমিটেড, ইন্ডিকেট সিকিউরিটিজ অ্যান্ড কনসালটেন্ট লিঃ -কে শেয়ারহোল্ডার হিসাবে কৌশলগত বিনিয়োগকারী হতে হস্তান্তরিত শেয়ারের মূল্য বাবদ প্রাপ্য অর্থ প্রদানের বিষয়টি নিরীক্ষিত হিসাব বিবরণী যথাযথভাবে দাখিল করা পর্যন্ত সাময়িকভাবে স্থগিত রাখবে।

৬. লংকাবাংলা ফাইন্যান্স লিমিটেড এর ৩০০ (তিনশত) কোটি টাকার Non-convertible Subordinated Bond এর প্রস্তাব কমিশন অনুমোদন করেছে, যার মেয়াদ হবে ০৬ বছর। এই বন্ডের বৈশিষ্ট্য হচ্ছে non-convertible, fully redeemable, unsecured, unlisted subordinated bond। বন্ডটি ০৬ বছরে পূর্ণ অবসায়ন হবে যা বিভিন্ন আর্থিক প্রতিষ্ঠানসমূহ, ইন্স্যুরেন্স কোম্পানীসমূহ, কর্পোরেটস, মিউচুয়াল ফান্ড, প্রভিডেন্ট ফান্ড, গ্রাচুয়টি, পেনশন ফান্ড এবং উচ্চ সম্পদশালী বিনিয়োগকারীগণকে প্রাইভেট প্লেসমেন্টের মাধ্যমে ইস্যু করা হবে। উল্লেখ্য, এই বন্ড ইস্যুর মাধ্যমে বিভিন্ন প্রতিষ্ঠান থেকে অর্থ উত্তোলন করে লংকাবাংলা ফাইন্যান্স লিমিটেড Tier-II Capital Base শক্তিশালী করবে। এই বন্ডের প্রতি ইউনিটের অভিহিত মূল্য ১ (এক) কোটি টাকা। এই বন্ডের ট্রাস্টি এবং ম্যানডেটেড লিড অ্যারেঞ্জার হিসাবে যথাক্রমে রুটস ইনভেস্টমেন্ট লিঃ এবং গ্রীণ ডেল্টা ক্যাপিটাল লিমিটেড কাজ করছে।


29/02/2018

মো: সাইফুর রহমান
নির্বাহী পরিচালক ও মুখপাত্র।